

საქართველოს მთავრობის

დადგენილება №370

2024 წლის 28 ოქტომბერი

ქ. თბილისი

„ტექნიკური რეგლამენტი – „საცხოვრებელი სახლებისა და საზოგადოებრივი/საჯარო დაწესებულებების შენობების სათავსებში და ტერიტორიებზე აკუსტიკური ხმაურის ნორმების შესახებ“ საქართველოს მთავრობის 2017 წლის 15 აგვისტოს №398 დადგენილებაში ცვლილების შეტანის თაობაზე

მუხლი 1

„ნორმატიული აქტების შესახებ“ საქართველოს ორგანული კანონის მე-20 მუხლის მე-4 პუნქტის შესაბამისად, „ტექნიკური რეგლამენტი – „საცხოვრებელი სახლებისა და საზოგადოებრივი/საჯარო დაწესებულებების შენობების სათავსებში და ტერიტორიებზე აკუსტიკური ხმაურის ნორმების შესახებ“ საქართველოს მთავრობის 2017 წლის 15 აგვისტოს №398 დადგენილებაში (www.matsne.gov.ge, 15/08/2017, 300160070.10.003.020107) შეტანილ იქნეს ცვლილება და დადგენილებით დამტკიცებული ტექნიკური რეგლამენტის:

1. მე-3 მუხლი ჩამოყალიბდეს შემდეგი რედაქციით:

„მუხლი 3. ტექნიკური მოთხოვნები

1. ამ დოკუმენტით განსაზღვრული მიზნიდან გამომდინარე (ხმაურის დონის ექსპერტული შეფასება), ნორმირებადი პარამეტრია ხმაურმზომის A სკალით გაზომილი ბგერის დონე LA_{დბA} მუდმივი ხმაურის, ხოლო ბგერის ეკვივალენტური დონე LA_{ეკვდბA} – არამუდმივი (ცვლადი) ხმაურის შემთხვევაში.

2. საცხოვრებელი სახლებისა და საზოგადოებრივი/საჯარო დაწესებულებების შენობების სათავსებში და განაშენიანების ტერიტორიებზე აკუსტიკური ხმაურის დასაშვები ნორმები (ბგერის დონეები) განსაზღვრულია №1 დანართით.

3. ქარის ელექტროსადგურებთან მიმართებით აკუსტიკური ხმაურის დასაშვები ნორმები (ბგერის დონეები) განსაზღვრულია №1¹ დანართით.

4. აკუსტიკური ხმაურის დასაშვები ნორმები განსხვავებულია დღისა (08:00 სთ-დან 23:00 სთ-მდე) და ღამის (23:00 სთ-დან 08:00 სთ-მდე) პერიოდებისათვის, ხოლო ქარის ელექტროსადგურებთან მიმართებით – დღისა (07:00 სთ-დან 22:00 სთ-მდე) და ღამის (22:00 სთ-დან 07:00 სთ-მდე) პერიოდებისათვის.

5. აკუსტიკური ხმაურის დონის გაზომვა ტარდება საქართველოს კანონმდებლობით განსაზღვრული შესაბამისი უფლებამოსილი პირის მიერ, ამ დოკუმენტით განსაზღვრული წესით (დანართი №2).“.

2. №1 დანართის შემდეგ დაემატოს შემდეგი შინაარსის №1¹ დანართი („ქარის ელექტროსადგურებთან მიმართებით აკუსტიკური ხმაურის დასაშვები ნორმები (ბგერის დონეები)“):



ქარის ელექტროსადგურებთან მიმართებით აკუსტიკური ხმაურის დასაშვები ნორმები (ზგერის დონეები)

	დასაშვები ნორმები	
	1 საათი LA _{eq} დბA	
ტერიტორიების გამოყენებითი ფუნქციები	დღე – 07:00 სთ-დან 22:00 სთ-მდე	ღამე – 22:00 სთ-დან 07:00 სთ-მდე
ტერიტორიები, რომლებიც უშუალოდ ემიჯნებიან საცხოვრებელ სახლებს, ინსტიტუციურ ან/და საგანმანათლებლო დაწესებულებებს	55	45
ტერიტორიები, რომლებიც უშუალოდ ემიჯნებიან ინდუსტრიულ ან/და კომერციულ დაწესებულებებს	70	70.“.

მუხლი 2

დადგენილება ამოქმედდეს გამოქვეყნებისთანავე.

პრემიერ-მინისტრი

ირაკლი კობახიძე

